

CATVLLI

non est mi male, sed bene ac beate, 10  
 quod non dispereunt tui labores.  
 di magni, horribilem et sacrum libellum!  
 quem tu scilicet ad tuum Catullum  
 misti, continuo ut die periret,  
 Saturnalibus, optimo dierum! 15  
 non non hoc tibi, false, sic abibit.  
 nam, si luxerit, ad librariorum  
 curram scrinia, Caesios, Aquinos,  
 Suffenum, omnia colligam uenena,  
 ac te his suppliciis remunerabor. 20  
 uos hinc interea ualete abite  
 illuc, unde malum pedem attulistis,  
 saeculi incommoda, pessimi poetae.

XIV<sup>b</sup>

SI qui forte mearum ineptiarum  
 lectores eritis manusque uestras  
 non horrebitis admouere nobis,

\* \* \*

XV

COMMENDO tibi me ac meos amores,  
 Aureli. ueniam peto pudentem,  
 ut, si quicquam animo tuo cupisti,  
 quod castum expeteres et integellum,

